

rugineo-pallidis, intra majoribus, transversis, extra minoribus, rotundatis.
Rectrices duodecim, supra fuscae, fasciis circiter duodecim & apice albidis; infra cinerea, fasciis albidis.

2. STRIX NEBULOSA.

STRIX capite laevi, corpore fusco, albido undulatum striato, remige sexto longiore, apice nigricante.
 Habitat circa Sinum Hudsonis, victitat Leporibus, Lagopodibus, Muribusque.

DESCR. *Rostrum* fusco-flavum, mandibula superiore superius magis flava.

Oculi magni, iridibus flavis.

Caput facie cinerea, e pennis fusco et pallide cinereo alternatim striatis. Pone hasce pennas collum versus est ordo plumularum fuscicarum ad utramque genam, semicirculum nigrum efficiens.

Occiput, cervix, et collum fusca, pennis, marginibus albo-maculatis.

Pectus albidum, maculis longitudinalibus transversisque fuscis.

Abdomen album, superius uti pectus maculis longitudinalibus, sed inferius stria transversis notatum.

Dorsum totum et *rectrices* alae, caudaeque confertim ex fusco & albido undulato-striatae.

Alae fuscae; remiges primores fusci, griseo transversim fasciati, fasciis latis nebulosis.

Remex sextus, reliquis longior, apice magis

magis nigricans; primus vero reliquis primoribus brevior. Remiges reliqui pallidiores, obscurius fasciati.

Cauda rotundata, rectricibus duodecim: duæ intermediæ paullo longiores, totæ cinerascens albido fuscoque undulatum striatæ, lineis duplicatis fuscis transversis pluribus. Rectrices reliquæ fuscae albido substriatæ.

Pedes tecti pennis albidis fusco-striatis.

Magnitudo fere Strigis Nyctæ, Linn.

Longitudo unciarum 16 pedis Anglicani.

Latitudo pedum quatuor.

Pondus librarum trium.

3. TETRAO PHASIANELLUS.

Linn. Ed. X. p. 160. n. 5.

TETRAO pedibus hirsutis, cauda cuneiformi, remigibus nigris, exterius albo-maculatis.

Habitat ad Sinum Hudsonis.

DESCR. *Magnitudo* fere Tetraonis Tetricis. Linn.

Rostrum nigrum.

Oculorum irides avellaneæ.

Caput, collum & dorsum testacea, nigro transversim fasciata: macula albida inter rostrum et oculos: latera colli notata maculis rotundatis albidis.

Dorsum testaceum, plumis omnibus late nigro-fasciatis.